

FICHA DE VERBOS 12. PERÍFRASES VERBAIS

Localiza e clasifica as perífrases verbais que haxa nas seguintes oracións. Colócaas na orde na que aparecen e segue as indicacións da Ficha 11.

1. Vou deixar o coche no aparcadoiro, que onte houbéronmo roubar; xa tiña a fechadura un pouco forzada. Cando acabe de pagar a casa, hei de mercar unha praza de garaxe porque quero durmir tranquilo e non ter que andar con preocupacións.

Perífrase	Pola forma	Tipo	Significado

2. Este mes andan a recoller os pexegos. Segundo a televisión, está para mudar o tempo e hai que darse présa.

Perífrase	Pola forma	Tipo	Significado

3. Debe vivir aquí un gaiteiro. Sempre está ensaiando e deberías chamarlle a atención para que non volva a tocar a esas horas da noite.

Perífrase	Pola forma	Tipo	Significado

4. A miña curmá anda para ter un neno. Non ficaba embarazada desde que se puxo a traballar na tenda, e agora volverá pedir a baixa.

Perífrase	Pola forma	Tipo	Significado

5. Puido morrer no accidente e desde entón deu en beber como unha esponxa. Como non deixe de visitar tanto os bares vai acabar con cirrose.

Perífrase	Pola forma	Tipo	Significado

6. Cando rompa a ferver a auga, bótalle as nabizas, que xa han estar medio cocidas noutra pota; báixaslle o lume e, cando remate de ferver, tornas a botarlle máis auga.

Perífrase	Pola forma	Tipo	Significado

7. Boteime a correr detrás del, xa o estaba collendo cando escoreguei e houben caer.

Perífrase	Pola forma	Tipo	Significado

8. Breixo segue sendo un lacazán; leva facendo que traballa moito tempo, porque di que non dá atopado un oficio á súa medida.

Perífrase	Pola forma	Tipo	Significado

9. Ti vai andando diante, que eu xa che levo camiñado moito e estou desfeito.

Perífrase	Pola forma	Tipo	Significado

10. Andas dicindo por aí moitas falsidades. Estás a xogar con pólvora e vaste queimar. Xa sei que non dás controlado, mais iso non é desculpa.

Perífrase	Pola forma	Tipo	Significado

11. En negocios peores me vin eu metido e sempre saín ben librado. Teño feito algún cambio con el e sempre fiquei satisfeito.

Perífrase	Pola forma	Tipo	Significado

12. Anda levado do demo porque ten que facer a declaración da renda e este ano vai pagar o dobre do pasado.

Perífrase	Pola forma	Tipo	Significado

13. Han ser uns vinte. A Uxía tamén quería vir mais non pode porque aínda non acabou de arranxar a horta.

Perífrase	Pola forma	Tipo	Significado

14. Xa vai dito case todo o que tiña preparado. Así que non me vou pór a comezar novos capítulos.

Perífrase	Pola forma	Tipo	Significado

15. Principiou a chover e non deixou de caer auga ata á noite. Debían ser as sete e aínda estaba a decembrar.

Perífrase	Pola forma	Tipo	Significado

16. Houbo aprobar o exame de conducir, só lle faltaron catro preguntas: agora terá que voltar a pagar a matrícula.

Perífrase	Pola forma	Tipo	Significado

17. Chegaron cantando e moi ledos, logo deron en bailar e seguiron cantando ata á alba.

Perífrase	Pola forma	Tipo	Significado

18. Eu podo conseguir o que queira do Marcial, levo abusando del moito tempo e penso seguir igual.

Perífrase	Pola forma	Tipo	Significado

19. Deches entendido ese texto? Eu non, e iso que o levo estudado abondo.

Perífrase	Pola forma	Tipo	Significado

20. Xa lle teño dito moitas veces que hai que andar con ollo, que hai tempo que deixou de estar nos biosbardos.

Perífrase	Pola forma	Tipo	Significado

21. Deben ser as sete e xa han estar no estadio.

Perífrase	Pola forma	Tipo	Significado